



Broj: 12-11-15-2044/20
Sarajevo, 20. 10. 2020. godine

Na osnovu člana 70. Zakona o javnim nabavkama ("Službeni glasnik BiH", broj: 39/14) i preporuke Komisije za provođenje postupka nabavke, putem postupka – otvoreni postupak javne nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine (obavještenje o nabavci broj: 296-1-1-15-3-25/20 objavljeno na Portalu javnih nabavki 21. 9. 2020. godine i sažetak obavještenja o nabavci objavljen u Službenom glasniku broj 59/20 dana 25. 9. 2020. godine), date u Zapisniku broj: 12-11-1767-7/20 od 16. 10. 2020. godine, generalni revizor, donosi

ODLUKU

o poništenju dijela postupka javne nabavke - mrežni štampač A4 u boji tintni – LOT 2

I

U postupku nabavke – otvoreni postupak za dostavu ponuda za izbor najpovoljnijeg ponuđača za nabavku kompjuterske i uredske opreme za potrebe Ureda za reviziju institucija u Federaciji Bosne i Hercegovine, postupak podijeljen po lotovima, prihvata se prijedlog komisije za javne nabavke od 16. 10. 2020. godine (prijedlog sadržan u zapisniku o pregledu i ocjeni ponuda) i poništava se postupak javne nabavke kompjuterske i uredske opreme i to: nabavka mrežnog štampača A4 u boji tintni – LOT 2.

II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom donošenja i objavit će se na internetskoj stranici Ugovornog organa www.vrifbih.ba, istovremeno sa upućivanjem iste ponuđačima koji su sudjelovali u postupku javne nabavke, saglasno članu 70. stav (6) i članu 71. stav (2) Zakona.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama ("Službeni glasnik BiH", broj: 39/14), Odlukom broj: 12-11-15-1767/20 od 9. 9. 2020. godine, pokrenuo postupak nabavke putem postupka – otvoreni postupak javne nabavke za dostavu ponuda za izbor najpovoljnijeg ponuđača za nabavku kompjuterske i uredske opreme za potrebe Ureda za reviziju institucija u Federaciji Bosne i Hercegovine.

Obavještenje o javnoj nabavci, broj: 296-1-1-15-3-25/20 objavljeno na Portalu javnih nabavki dana, 21. 9. 2020. godine.

Uporedo sa objavljivanjem obavještenja o nabavci objavljena je i tenderska dokumentacija na Portalu javnih nabavki.

Komisija za javne nabavke za izbor najpovoljnijeg ponuđača za nabavku kompjuterske i uredske opreme za potrebe Ureda za reviziju institucija u Federaciji Bosne i Hercegovine, imenovana Rješenjem generalnog revizora broj: 12-11-15-1767-1/20 od 9. 9. 2020. godine, provela je postupak Javne nabavke u skladu sa Zakonom o javnim nabavkama i podzakonskim aktima te sačinila Zapisnik o otvaranju ponuda od 14. 10. 2020. godine, Analitički prikaz traženih i dostavljenih dokumenata-Kvalifikacija ponuđača broj: 12-11-1767-6/20 od 14. 10. 2020. godine i Zapisnik o pregledu i ocjeni ponuda, broj 12-11-1767-7/20 od 16. 10. 2020. godine u kojim je konstatovano:

-u predmetnom postupku nabavke i nadmetanju za LOT 2- mrežni štampač A4 u boji tintni, Ugovornom organu dva ponuđača dostavila su ponude, i to slijedeći ponuđači: C-servis d.o.o. i R&S d.o.o.

- da ponuda ponuđača C-servis d.o.o. nije prihvatljiva iz razloga što ponuđač nije dostavio ponudu u skladu sa zahtjevima iz tehničke specifikacije. Naime, tehničkom specifikacijom za LOT 2 tražen je model printera čija je upravljačka ploča dodirna u boji, a ponuđač je ponudio ploču s „mono graphic“ displejom. Ugovorni organ dužan je u skladu sa članom 68. stav (4) tačka i) Zakona o javnim nabavkama predmetnu ponudu odbaciti, jer ponuda nije potpuna i ne ispunjava zahtjeve tražene tenderskom dokumentacijom.

- da ponuda ponuđača R&S d.o.o. nije prihvatljiva iz razloga što ponuđač nije dostavio ponudu u skladu sa zahtjevima iz tehničke specifikacije. Naime, tehničkom specifikacijom za LOT 2 tražen je model printera čija je upravljačka ploča dodirna u boji, a ponuđač je ponudio ploču s „mono graphic“ displejom, te je ponudio model printera koji ne podržava traženu wifi povezivost. Ugovorni organ dužan je u skladu sa članom 68. stav (4) tačka i) Zakona o javnim nabavkama predmetnu ponudu odbaciti, jer ponuda nije potpuna i ne ispunjava zahtjeve tražene tenderskom dokumentacijom.

Shodnom primjenom člana 69. stav 2. tačka d) postupak nabavke mrežnog štampača A4 u boji tintni - LOT 2 se poništava.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku: U skladu s članom 99. i 101. Zakona o javnim nabavkama, protiv ove Odluke može se uložiti žalba u roku od 10 (deset) dana od dana zaprimanja.

Žalba se ulaže Ugovornom organu u pisanom obliku, neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, koji ne može biti manji od 3 (tri).

Dostaviti:

- C-servis d.o.o.
- R&S d.o.o.
- a/a

GENERALNI REVIZOR

Dževad Nekić

